

永樂大典

卷七千六百五十

永樂大典卷之七千六百五十

十八陽

黃

黃任道

宋楊傑無為集行狀 府君諱某字任道其先江夏人遷唐末之亂其族分適江南西蜀惟建安浦城為著姓雖爵位無顯而其文章行義多見稱于時曾祖元吉初以風雅名重江南任非其志儒學傳家二子入本朝皆登進士第次子覺任殿中丞以清直聞當時儒宗如宋宣獻楊劉二內相多與唱酬指紳傳之君之祖也考潛山先生兩舉進士不利于春官朝廷當推恩奏名而隱居求志不願就其歌詠翰墨有晉唐風格累贈朝奉郎世積令德為生府君府君為兒童時才識已過人及其長力學有大行為韓魏公王荆公歐陽公深所器重皇祐五年進士及第調揚州天長主簿移恩州清河令秩滿改著作佐郎知曹州濟陰縣神宗皇帝登極舉恩遷秘書丞以廣濟河決免一官魏公留守魏都為君學行乞教授北京國子令將下潛山先生憂繼丁母裴氏壽安縣大君憂親喪盡禮兄弟友愛閭門蕭雅士君子推以為法制終再授秘

永樂大典卷之七千六百五十

書丞監都進奏院石對除河北東路提舉常平倉就改本路轉運判官旋易西路就移陝西西路提舉秦鳳等路刑獄被召赴闕未行坐舉官失當再奪秘書丞會吏官制授奉議郎入尚書省任職方員外郎兼駕幸省遷承議郎改五品服久之以廉積不足乞補外乃知汝州今天子即位恩遷朝奉郎若足疾求致仕元豐八年十二月四日卒于官舍享年六十有五先是夕夢白雞棲于牀下語家人曰昔謝安夢白鶴而死我以半面歲生豈吉祥耶果不起其疾娶某氏進封永安縣君再娶章氏封武寧縣君三子曰材大廟齋郎曰樞曰杞皆郊社齋郎二女長適奉議郎王績次在室恩州之清河清陽大黃河埽岸夏草十四萬兩縣於隊長十九戶下催理都水漕臺大移不絕十九戶貧乏六年不能供前後長少鞭扑不勝數蓋當時隊長以丁數過非以物產定故兩郡縣若之人莫敢議君乃言於朝曰嘉祐之初河入恩州故埽岸夏草出於民者萬數今則聚而無用除其可免之十利朝廷可其奏悉蠲之魏公方執政尤稱其事初朝廷置寬恤民力司諸道使求民瘼有曰河朔館驛宜罷頃索以寬其役君以謂河北中路傳驛歲有遠使往來邊防休戚之所繫百須皆出於民當令百姓明其所出物數折除春夫丁役及於二稅合納之物量數放免民自樂輸

永樂大典

卷七六五〇

矣朝廷從其議至今氏以高利若在濟陰當廣濟河決危急邑人將就壘
溺老幼號訴君乘輿議乃決而堤以分水勢不意漫鄰田論法至重君自
以長不忍貽過於下嘗引伏嘗時魏公吳正憲公御史中丞交章論列
以為誠心愛民非有害彼之意譬如逆盜出境蓋為他境之害非逆盜者
之罪也曹州兗州知縣張復禮亦乞納官以贖其罪竟得未減而濟陰之
氏世世不忘其德至神宗朝召對上曰卿即某耶昔日濟陰之事意恤民
慰勞之甚厚君稱謝因請上留意史書上悅聽納時貴人有不喜君者君
為提舉官時郡縣多不曉朝廷愛氏之意過為苛刻君務為便民司農官
以為沮法頓正憲辨明得免斥逐君議賑濟之術均以一路當散糧斛之
數隨郡縣置凶戶口多寡增損以給氏全活者衆矣河北方水災米粟踴
貴市易雜官又增價以餼之民益艱食人不敷言君曰視民困苦而不救
非我志也遂奏罷之鳳州有獄久不決而苦愆充君親往決之是夕雨澤
霑足人以謂兩自公致也君孝於事親友愛諸弟自少文學聲名藉于士
林識度高遠議論嚴正耻為阿諛取悅於人其文章翰墨為世推重文集
四十卷可見其志也其為守令奉使惟務愛民以報朝廷大臣屢薦以臺
閣侍從而其命數奇士論惜之平生性悌與朋友交久而益固未嘗違言

永樂大典卷七六五〇

二

人短而多稱揚人之所長勇於信義廉於進取毅然有古人之風某又游門下知行義為最詳紀述善美不敢以誣謹狀

黃仲熊

宋黃庭堅豫章集墓銘 非熊豫章黃氏仲熊其名非熊其字也先大夫之幼子以至和歲己未月乙酉日丙申時

卒未生於臨菑先大夫以歲月日時參伍以曆象為吉祥以為門戶所寄
兒時黧黑臍肥甚可念先大夫捐館舍於康州非熊方四歲為其幼孤太
夫人不忍以嚴治之故非熊知學最晚然性質素舉落筆成文不肯為人
下於儒生藝事無所不學雖不造微要皆畧能也家貧嫁四女弟以故兄
第例婚晚伯氏元明賣大父時曰為非熊娶舒城趙氏婚禮成而非熊不
悅意棄去由是頗浮沉於酒中亦自恃其命曰我生日在申辰在卯歲庚
午天地合我終富貴得意婚大家於是自強屏酒不游刻若琢磨欲以怪
奇鉤致祿仕父之宗室汝州防禦使仲爰聞其家世欲以女予之而非熊
不幸病死矣得年三十有六有術不祛此日者誤之也嗚呼非熊欲仕而
不偶難婚而無後孤先大夫之心予兄弟執其咎無所歸恣肆其不奇

黃得禮

宋黃次公三餘集先大夫述 先考諱得禮字執中洪州豐城黃氏九歲喪母十四游太學二十五中元祐三年進

士第嘗為某州桃源縣尉度州興國縣令柳州軍事推官以沒其在桃源捕獲強盜大情已正格當被賞欵曰豈可便文自利而以疑似殺人武盡釋之度氏健訟諸邑狂獄充斥其在興國三年度死者纔一人猶以為悞建中靖國初應詔上書論行法任人之要其略曰嘉祐熙寧之法仁祖神宗之為也祖宗所以望其子孫者在安治之如何不在政事之因革而主熙寧之說者曰必為之更變主嘉祐之說者曰必為之守常分曹為朋黨立勝負宿怨快於私門實禍歸於公家朝廷顧何所賴惟天子建中和之極正心誠意擇其善者而增損用之則行法之要也人才實難有未必用自賢良進士砥名厲節以自致於大臣公卿之選益又難去國論異同口語疑似無四凶之罪而加之以流策之刑瘴霧變煙不死不已遺孤旅櫬雖死不還士有持平守正如彭汝礪葉濤之徒其言未必日省此風不革異日必有以伏刑都市參夷伍崇之請聞于上者矣願朝廷退人以禮宰輔為國受言變指紳縉薄之風增社稷靈長之福則任人之安也書入報聞先考年不及強仕位不及京官平昔詩文遺亂散落言論風旨可舉見者懼復湮沒故追次其略而不敢輒加焉

宋史文苑卷七十六百五十一

三

黃瓌

宋曹齊約昌谷集黃公墓誌銘 通判公墓有誌銘太府寺丞未竟而通判公之葬卜日已定其勢不能走數千里介以請乃俾某送其大畧先納諸墳按兩庫軍都昌縣土塘黃氏分派于江州湖口縣之沙路自沙而下至通判公纔六世其族蕃衍星居兩郡者不下十族多者縣數十家而土塘之族號為最盛則公高祖居士拱實啓之也居士居鄉有盛德貨財百萬漫不以加意賑窮恤乏無所不盡其力後又做釋氏之說作龍花會以召天下信士聞風而來無不滿意傾圜倒廩不計也人皆以居士稱之至于今未改生于寔能世其業號小居士為土塘族祖小居士生于可累薦試春官不第教子詩禮不使為科舉碌碌計後贈朝散大夫大夫生汀州使君武汀州生通判公公諱瓌字少蘇又字繼蘇汀州之長子也母封氏封太恭人初汀州有四方志以奇節自許雷建炎中興初投處論兩河事宜召問中書即布衣授招討司幹辦贊大名軍與平劇賊田知古招泒州叛人王江等有奇功薦于朝未報去之會李成寇江州得自外奮入圍賊又告急行在所見謂過計及遣兵往救不及事朝廷肝食乃上書論軍國利害對執政慷慨憤發為時論所服高宗奇其才授承務郎知黃州

黃岡縣歷楚州義烏縣丞權知汀州又知汀州與秦丞相不合奉祠十餘
年不為屈通判公初受遺澤中乾道七年銓選調德安府孝感縣主簿秩
滿調光化軍司理參軍以為者改宣教郎知江州德安縣通判江陵府丁
大恭人憂服闋授潮州通判未赴以疾自請得主管台州崇道觀嘉泰二
年十二月己未卒于家享年六十有七官至朝奉郎公賦性簡淡不事表
祿事父母為令子處諸弟為賢其與人交和易平直人不知其有文遇事取
取勢位不能奪當官治民一意不擾鷹鷂行不以為便思有以挽之不可
得也孝感本無職業惟奉諸臺差微未嘗少暇以刻削錢糧委之輒不稱
意至判決獄訟子奪產業則皆服其寬平莫能加損在光化四年未嘗以
陞改介意貴游子弟恃陰撓政守以下皆避其鋒公執法正授書不為少
屈大家豪奪民田莫辨其偽公視印文不合上其姦狀闕郡嗟異舊賦在
漢水北與虜界錯居得闌入愚民即欲置地公言此皆中原赤子非姦細
不可執獄遂久不上遂得未成累政皆信其賢爭推薦之今資政殿大學
士趙公彥通總餉湖廣知其舉將溢格猶以公名刻上且曰吾寧壞一舉
削不可失一賢者故工部侍郎顏公度為轉運副使以收拾孤寒自許時
連歲不惟賦司部內有常負皆不得磨勘顏公初入境意已屬公公受代

永樂大典卷七千六百五十一

四

即辭去無顧望色顏公亟薦之德安新減民租會一歲之供數且萬緡公
下車適遭其逢用度不給州家循習泛敷迫使取諸民不肯奉命曹椽官
有所誅求又不供億姑合恩媒孽欲連坐佐貳公言此知縣罪不當旁及
廣座肆言無所畏避邑民亦誦言不可勢未敢發遣郡吏物色帶箴無一
毫私意俸祿外餐錢未嘗以例取其計遂屈顏已撤入郡郭不可中輟俾
攝事餘幕以便郡政佐貳理邑事賦州家風旨馭朴深人骨髓宜治耕井
井反不如前時邑民走諸臺願終得黃佛子乃已州家始不自安乃遷舊
物大資政趙公師蜀召還過郡得其事津津有喜色又貽書縱吏之且言
聖慈以事上官盡力以恤百姓舉賢如此可以無負在邑數五年終始如一
旁觀若不滿意後有改其除轅立致禍狀公論亦且不與好學未嘗廢簡
冊適意即自賦詩不可強也平居安坐靜室不以世俗事介意戶庭之外
至旬月不一出所居州縣守令有滿去不得一見過賓客契合飲酒奕棋
陶然自得真樂於接物者官滿俸輒盡無求田問舍意往來都昌湖口間
或寓南康城下惟意所欲娶曹氏實彥約之姑子男三人涓涓泊皆能有
志謂嘗以鄉老獻書登于天府女三人長適同官子蔣縉文雅有賢譽次
適彥約其次則彥約弟彥繼孫男六人抱孫縉縉女八人皆未有所適

永樂大典

卷七六五〇

諸孤將以四年十一月辛酉葬于湖口縣五石山之北青山背之下前事
十三日而來告類得消所書族譜與蔣棟所親見德安事實乃參以平日
所聞擇其梗槩以告不朽至若為銘為表刻諸堅珉立于墓道以刊其嗣
人則寺丞事也乃為之銘曰 百世之下知通判黃公之葬在此起敬起
愛有不可已如其
表墓以俟君子

黃中美

宋未晦庵大全集朝議大夫致仕贈光祿大夫黃公神道
碑 宣和之末國家承平百有餘年中外無事乃有二

三弄臣竊國大柄建取燕雲以名非常之變有識之士已私憂之而衆莫之
覺也捷書日聞官吏相慶獨信德府司錄事郡武黃公有憂色人問其故
公蹙然曰大平日久軍旅遠興原無燕歲之儲不取於民將何以濟顧今
歲荐饑民死無數况河北天下根本又可重困之邦聞者莫不笑之俄而
河北盜賊果議起信德城守屢危全虜乘之遂不能支官吏相與相劬舛
降唯恐居後而公獨奮然誓死不屈虜既入城放兵四出有挺刃脅公以
降者公顧左右踏之而逃變姓名匿里巷中虜退乃出則先降者皆已抵
罪而宣撫使獨奇公即潭行府事公亦撫摩瘡痍期復按堵未幾以內禪

永樂大典卷七千六百五

五

轉朝議大夫則以資高不當復屈佐郡而省罷以歸矣靖康元年還次京
師遭圍城之變而明年欽宗出幸虜營虜遂以兵威脅城中擁張邦昌而
立之一時公卿錄千百數相顧僥首唯唯聽命公獨感憤義不辱身即日
移檄致其事而去蓋當是時不約而去此者亦四十人然不數日而公竟
以病卒矣二年二月丙子也嗚呼祖宗百年禮義廉耻之化其所以涵養
斯人者可謂至深遠矣夫以熙寧以來群小相師滅理窮欲以達于茲適已
六十年矣士大夫耐奉之餘心志潰爛不可收拾宜其禍變危迫而皆不
知以為憂賊迎降而皆不知以為恥棄君叛父奉賊稱臣而皆不知以
為辱也而猶復有如公等者出於其間是雖人之秉彝不容泯滅然而祖
宗所以涵養斯人至深且遠者亦豈不於此而少見遺餘哉公卒時年始
六十有三夫人林氏携挈諸孤奉公之柩時唯兵火亂離之中川陸五卷
乃能達於故里紹興乙丑之歲然後始克葬焉而公之子永存浸以材能
有聞於世上聞其名召以為尚書郎軍器監出為淮南轉運副使俾修農
戰之業以為北向之漸前後贈公至光祿大夫而夫人自公時已封宜人
又予以貴屢逢慶恩得賜冠裳封至始興郡太夫人淳熙乙未八月五
日年九十七而薨又以妣恩贈新蔡夫人而副使歸自淮南則使人以

永樂大典

卷七六五〇

同郡徐君復之狀來謂新安朱素曰吾先君之德如是而葬久未銘且先夫人率履持家克享上壽世鮮及之亦當得附先君遺事以垂後世子其圖之素受書考之其得光祿大夫靳春夫人行事本末歎息久之因論其大者如此并記其州里世次開闢公之先自朔入閩居建之浦城徙紹武始別於建遂為郡人焉曾大父夢臣大父高皆有隱行至公父蒙始舉進士後贈中奉大夫中奉娶施氏生公七年而卒後贈今人中奉汝時公年甫冠勵志為學而貧不能得書常假於人以讀率一再過而歸之則已成誦而不忘矣中元祐九年進士第調真定府左司理參軍知邢州平鄉縣皆善其職以守正不阿上官罷退久之貧甚不以為意親友強起之乃更調鎮西軍節度推官郡都極邊守城武將視法令僚屬蔑如也公不為撓事有不可必處辯之守地屈為政宣德郎知蒲州衛縣令縣民有被誣殺人者公察其冤縱之同列有害公者謂公故出死罪守疑之公不恤也後河決敗數郡詔諸令長各護丁夫疏鑿隄障縣獨不擾而集以功轉奉議郎除河北都轉運司屬官北京留守辟以為真定府錄事是時河北連歲不登民多相聚為盜而郡守歡燕教逸如平時公獨憂之每當集縣詳不與守問其故公對以實守默然不說於是乃移信德而遂去以卒焉其為人坦易不事虛幅而與人交必以誠當官不為赫赫之名而於事細微無不謹考郡有疑獄剖判吏多奉以屬公往往得其情無施予不問識否人雖有之不悔有求輒復周之在鎮時府丞陳紹夫死公以俸錢遺其妻女兄寡居迎養三十年始終如一曰故人有道貴者招致之謝不往都轉運使呂公願清及他使者多知其材欲薦之未果而竟沒論者惜之公初娶兗州劉氏贈和義郡夫人靳春其繼室也延平人贈少師積之女夫人渾厚靜專歸黃公甚貧處之自若晚雖豐泰亦未嘗改其度也事公之女兄如姑公之沒而歸其喪教其子務以忠言直節立其志使卒為聞人以大其家歲幾滿百而神明不耗起居不衰又似有道者家人百口撫之以慈愛而教告勉飾隨之未嘗見其有嚴厲之色而中外整整莫敢越軌度鄉黨傳以為法公葬邵武縣仁澤鄉寶隆山之原夫人葬永城鄉黃溪保銅青上下相距蓋十里子男五人曰端愿端平皆有俊才牛角已與薦送而皆早卒次端方亦卒次永存今為朝請大夫王管武夷山中佑觀次永平右儒林郎知靜江府理定縣亦先卒女五人其婿宣德郎朱康年保義郎朱慎修職郎趙舜臣通直郎杜鐸進士李先之也孫男十人廡明儒林郎格致南鄉範煥勳夏欽鈞皆未仕而格致欽亡矣孫女六人其婿周敦養

李龍李徽將任郎吳時萬上官瑾上官揚曾孫十七人。大正大時大椿大
全大猷大學大昌大淵大山大聲大韶大受大嚴大任大周餘未名女十
四人。其婿任平南林杞李价餘尚幼。玄孫男六人。公振公升公顯。公同公
煥。公章。嗚呼。是亦盛矣。黃氏之昌阜於世也。其可量哉。銘曰。暨暨黃公
逢時之危。跡隨巢北。思屬眇微之死。弗泣以全。其婦溫溫夫人。克相其夫。
入詔其子。以成厥家。壽考尊榮百歲。而俱寶隆之何。黃溪之里。東西相葉。
兩關對起。子孫盈前。曾玄滿後。尚有寵臨。不遠來人。

黃永存

宋何澹小山雜著黃公墓誌銘。淳熙九年夏某以祕書
郎攝工部與紹武黃公永存攝左曹蜀人。范仲藝攝禮部
並命黃公折輩行相交晚節歸休士類傾鄉。某守三山時得相聞。踰兩年
而哭其訃。其子龜朋以狀來請曰。吾先君子以忠孝自厲。生平無虧。宜有以
詔後。同鄉之邦存者。惟公。其無遜公字。堅叟。其先光州固始人。唐末。惟淡
者入閩。家紹武。以五經分授于號黃五經生。知良軍信州。貴縣六傳。而至
公。曾祖尚威。有隱德。高生家。以大鳴于鄉。贈中奉大夫。生公。父中美。登元
祐九年進士第。終左朝議大夫。以公贈開府儀同三司。曾祖妣危氏。祖妣

永樂大典卷七千六百五十一

七

施氏。贈今人。妣林氏。贈少師。延平積之女。封始興郡太夫人。贈昌國夫人。
公以廢補官。紹興初。尉虔州信豐。某方弱冠。邑瀕廣多盜。日厲。公與統制官
請于郡。得駐大軍三百。循州。戎將叛。某中夜奄至。設二隊。將公與統制官
逆戰于市。大破之。邑人德公。繪象以祀。旋捕逆。統十閩等二千餘人。魁自
是不入境。奏功第賞。循從事郎。訓詞有奮身不顧。臨鋒赴敵之語。聞者狀
之。秩滿。以親老。丐祠。久之。調饒州判官。守皆加敬。遇旱。履畝。檢校戶無異
詞。勢家不得免。聞于郡。公請詰諸田。鄰乃屈服。請司交薦。改宣義。非知信
州。鉛山縣俗。莠于訟。曰。有禁。過呼訟者。悉呼宣義。公喜。白母曰。邑人相信
矣。屬精判。刑公庭。畫閩縣有寨五。人戶歲輸一石。則秋釋五斗。以贖。直未
贖。償之。公為申請。蠲減。且廢巡。並一寨。縣計遂足。歲歉。賑徒數百。甯聚發
康廼。尉建兵督捕。公適燕。傳佐。並追回。密鑰。勝委他官。馳諭。悉感泣。散去
事定。收首惡三四輩。赴郡。流配之。邑賴以全。人服其善。慮變家。呼公為宣義。
後。賜武人過縣。必問宣義。安否。先是。催科無法。戶長告病。公易以田帖。十
日一校。氏自舉輸去。二十九年。百姓磨崖。為善政碑。以記。尤後人之更改。
也。事具永平志。其差役九盡。善人爭先應治。有古循吏風。諸臺以聞。除諸軍
糧料院。公善誦。即用愛人之句。去縣有一年。諸會有言。前都陽守者。渡及

愈願遂以祠去日奉親為樂無官遊意邑人端明黃公中為春官言請時
宰除倅潭州紫微張公存祥為帥自恐以敏失事囑公正教公樂為之盡
忠義寨姓莫者欲擁兵官莫延原為變廷原持節南丹州之弟也事覺于
八人所塞門適明日命至其六公請誅罪首餘勿問郡以亡恐旋徙延
原他郡張公欲論薦公以除漕變路先是嘗詔舉廣西憲葉公顯魏公杞
以公應詔至是二公實當國給各繩以格法繼命堂審乾道四年陞對考
宗問未通帝平及長沙軍政對甚悉退語輔臣黃某疏適可任邊寄除知
衢州陞辭未及敷奏上曰欲卿措置訓兵積教耳因乞行縣上曰春時勸
農便可出因問疾苦卿必能稱職公至郡則前所奏住修城池關隘先起
木筏等事悉施行矣公首懲輸納斛面之弊招流移耕墾民兵節費得
贏銀五萬名備邊庫以聞詔守臣不得妄支六年再任漕臣呂企中滋長
小人公抗辯不勝罷歸恬不介意創茅葺園侍版輿從容自號退園居士
丞相虞公嘗識公姓名于篋起知通州太夫人以淳熙二年棄養年九十
七公性至孝老人食多噎躬進已著夜視床褥始退每宿疾作親滌潤穢
以授妻御婢無厭憚執喪尤盡禮服除知嚴州對陳足兵食費財冗官風
俗等五事改温州九年賜對是時上憂早公因進布種運變法喜曰官

永樂大典卷七千六百五

中亦種甚佳惟小麥可耳卿議論詳明當留為職事官次奏外官臨督妄
費貽後之患上曰節用猶不足矧妄費乎卿貫何所以問對無間責何也
曰先臣游宦臣實生于河朔所陳皆開納翌日諭輔臣黃某老成重厚全
是北人留他日護容遂除大理正旋兼左曹上曰左曹民項多黃某三十
年前作縣宜諳練繼遷官終不徒輪對復陳刑獄詭挾差役等弊口奏軍
政宗室添差上大喜又言板曹遺之宜少貸內帑上曰名貸曷嘗還乎正
何貸二十萬人謂上意向公矣給舍有言闕郎者上曰黃某兼得好尚更
除一二老成遂召周頤趙公廉與公並命公在左曹事趙拘繫符下諸處
必分割其曲直吏不容欺亦毋得市恩訟者獲伸有踴躍于部門者過今
知有省部蕪湖張次對有遺言盡指其產與幼弟他房與訟二十年不決
公判其情感以孝義語皆激切乃合詞請守前約朝論翕然異日訓詞有
儒雅師吏之語詞臣謂公蓋指張訟十年夏早求言公不務大言直述關
本戰者六事蜀都城柴薪等稅免僧道六十以上丁錢官戶不許請佃住
招軍以寬民力等事疏入首施行無刑部度支兩月間斷諸州大辟四十
餘鄭與尙自防禦轉廢車奏所給解多就寡公疑為乃其前任嘗以內降
給真傳公微問曰此乃辭寡就多也鄭愧服會除帥准稟言者斥其欺罪

永樂大典 卷七六五〇

之十一月除軍器監上留意淮西屯田集卿監郎官議公言便知和州施
溫舒亦嘗有請詔各條具公言慮和無為有舊迹可行勿利所入三年始
給耕兵然後以十分為率歲收其一至五分而止詔可異日上語溫舒屯
田惟卿與黃某為然溫舒因奏公誠實可任明年二月除漕淮西臨遣上
曰送迎北客當召奏屯田久則有利郭果行於襄陽已就緒郭剛見行於
和州上曰郭剛老成但不甚識字公曰若曰勤何必識字其人守法作州
日人號郭法司上以為然因論吏贅負兵冗食及前在左曹三事復論北
事及河南荒蕪上曰河北近亦不甚經理公奏老胡諸子不相下有亂議
願飭武備以俟天時又奏士大夫不為久慮只錢會一事久必弊上曰惟
少印為是因乞並江海處盡用鐵錢以杜滲漏上是之令至郡有便宜即
奏未幾有旨相視黃州蜀士競稅利害公請就試者免征二千緡外此勿
免上稱善迄今為定法公私兩便繼相視修築縣城公以城南邊江可
泊舟乞補治南壁而以池軍運覽捐三千緡犒勞客舟得無擾泌淮多楫
負至者慮帥王希呂不受公乞隨宜收留繼奏和州開墾次第守臣錢之
望入奏上問狀對秋可倍收悅曰無人任責惟黃某耳後數月之望復對
上曰卿向與黃某合宜同措置翌日命以公知揚之望知楚輔臣有言公

永樂大典卷七千六百五

九

去恐壞淮西屯田之成者遂獨除之望郭鈞乞守淮保江詔公同諸將審
度時議有專保江者公曰非所以安淮人也和州無為貴雜公撥粟縣龍
舒常平復請借撥積二萬繼又捐金代無為半月征稅人始按堵公力捐
浮費寬假諸郡以所積酒渡課五萬請收穀為二郡備出納視常平法得
旨專委本州俾遇支遣先中省和州舊糶馬料五萬官給三萬本錢州縣
以數不敷例科總首倍費無藝公奏屯田已成歲收穀二十餘萬乞就糶
諸莊兵食之餘本錢不足則本司願助人船悉從官給遂為公私無窮利
郊恩賜三品服十三年二月因任力辭不許公視粟縣可宿師而無儲峙
乃奏糶穀二萬仍括三萬緡以備修築調發初屋二十楹貯之承平時六
安置茶場歲收息約十萬乾道至淳熙稍修復佃占者十三家茶戶且方
為所困公奏罷之許比附包占田土法歲輸官立戶聽與客旅有引者交
易朝廷持不下孝宗特從之茶戶立祠山中裨德公庀職盡瘁屢丐開會
鄭興商帥合肥拉公同薦和守張士德奏入七日不報鄭遂自解因愴前
怨竊奏出漕臣意乃與士德俱得祠歸增葺園以日涉紀熙初再任明年
以奉直大夫謝事積章沛郊恩轉至太中大夫封江夏縣開國男食邑三
百戶自告老顏色視聽益精明立不跛倚坐不假仰治家教子無少倦事

永樂大典

卷七六五〇

泰四年十一月一日忽以微疾終于正寢年八十有八娶河陽李氏中大
夫元瑞之孫宣教郎選之女封碩人先公十二年卒于七人長益夙夙為
不第竟就世賞今為承議郎通判信州次格先公三十五年亡兼熱俱免
解勸進士者年先公一年亡孫十九人大正大時大梅大金登紹熙四年
進士第從事郎四川制置屬官大猷大學大昌大聲大韶大受大巖大任
大用大禧大夏大雅大慶大惠大瑞而大學先亡曾孫二十一人公震公
升公顯公回公煥公章公舉公晉公岳公郡公鼎公延公謙公靜公添公
說公運公驪公立公峽公鏡公玄孫二人元粹元真女二人適進士周端書
奉議郎知郢州京山縣許鼎臣孫女十一人進士任斗南林杞虞溥從仕
郎漳州推官葉崇咨進士嚴維太學生李自中宗子進士趙汝洋皆婿也
餘未行曾孫女十一人公氣質渾厚剛果明恕處已待物一以誠實善揚
人善有時才慢公者不與校居官嚴於取吏寬以愛人晨出視事不改常
度所至先修學校禮師德薦名士不待其求聞府決於京師公時年十一
扶旅擬侍大夫人出汴而城已不守過宿併舉中奉權以行楊帥呂公願
浩以事契留之不可擅渡江是夜劇賊張遇擁眾至全家無恙識者已奇
其先見早志儒科繼習詞學無請俸淹典故輕財重義篤同僚居其里物

永樂大典卷七六五〇

十

故為梓敏孫女聞於人取而嫁之在州縣五十年一意守公去輒見思晚
以疎遠愛知孝廟問答踰於親密雖施行僅見淮西然亦未為不遇嘗以
千里江山榜便坐有神州凝睇老淚空盈掬之句舉酒輒浩歌氣老不衰
嘗從韓公元吉游作文師昌黎屬詞皆典雅有詩大十卷奏議三卷不喜
釋老而清心寡欲自奉枯瘠過之內外二百餘口身率以勤儉子孫曾玄
垂前一一捐教後事熾悉預辦屬續如平時前一歲自馭生平開闢履歷
立身行已數千言以授諸孫其年十二月十四日葬于郢武縣仁榮鄉新
屯保萬松山之原與碩人同域銘曰仕而遇主遠不必疎有軼如公早
歲令舉州縣沉淪玉階奮舒烈祖知人見輒動悟不避所施未為不遇天
錫公壽復大其門垂其安車以詔子孫校公所得實多於位勒銘斯官昭
台全

黃正己

宋葉水心集黃君墓誌銘君姓黃氏諱正己字聖與溫
州平陽人始名千乘字建侯自言夢有錫以今名者因併
字更之然相與者猶曰建侯云曾祖貢祖淳父逸紹興中為太學生高
宗慶八十以恩補迪功郎君自少時順梯長老無違行雖已爾艾尤其抑

常稱善掩惡。退在人後。遇復有教諫。亦諷道究。轉不令失色。詞常不事。有意外事。素不樂者。乘時構君。君不聽。待之如平日。其黨復有急。君勇赴之。力為盡。構者慙。服人。以是愛信。號長者。家故貧。進功粗。給衣食。君環視無幾。何嘆曰。富貴有命。吾自度不能益矣。然可復損於今乎。約畜凡用。至鮭蔬。細項。往往人不能堪。然容至。轉具酒食中。禮或一旦。忽倒囊與人。錢不吝也。族人昆弟。時節某處。君未嘗不先赴。抵掌極論。大笑為樂。有未至。聞其曰。是建侯。兄在耶。皆到。疑惟恐後。因相與竟日。不忍去。蓋雍穆之助也。君本有富世志。既無所遇。合而其子。謀進士。第三人。君謂曰。吾時昔所願。不過乎此。進一官而止。然而終不可得。今汝乃得高第。又平進。取領而不得者。汝無二。滋幸矣。然立朝有義。臨民有政。自今汝謹聽。吾預告。汝因每事為節度。換之間。浮舟散策。獨到山海。孤絕處。忘其反。為嘉泰二年。郊祀禮成。封承事郎。故人親戚爭酌。以壽君。君意亦自喜。曰。自吾祖。垂三百年。仕蓋有禁。其先者。吾何德。乃獨身被之。顧老不足為善。將無以報國而死。奈何。開禧元年。君疾且革。不亂語。不及身後。五月二十四日。卒。年七十五。再娶皆林氏。封孺人。子男中。承議郎。著作佐郎。兼資善堂小學教授。女嫁同邑進士薛氏。仍孫男三人。曰。遵孫。遠孫。近孫。明年三月。壬午。中葬。君子為與。

永樂大典卷七千六百五

十一

山迪功。墓石尚存。惟君幽潛私淑。粹以其子。而中方佐太史氏。掌教。元子。驚用矣。當大列鼎。養君也。而不少。酒以死。銘曰。禮之故之。有實其錄。熟而食之。孔美且饒。亦既難老。可以期。老紀。辭于。象。君子是傳。

黃仁靜

宋葉水心集黃公墓誌銘。越新昌黃公。諱仁靜。字仲山。其先。發徒也。曾祖。村。祖。吳。父。惠之。累封。朝奉大夫。賜。服。金。

葉。年八十七。開禧元年八月乙丑卒。十二月庚申葬。孟塘石家山北麓。娶沈氏。繼室潘氏。封。皆。宜。人。子。男。六。度。朝。散。大夫。直。寶。文。閣。主。管。建。寧。府。武。夷。山。冲。佑。觀。庶。廣。宜。州。大。學。廡。從。事。郎。湖。州。長。興。縣。主。簿。庭。迪。功。郎。池。州。州。學。教。授。士。隆。大。學。生。女。二。婿。奉。議。郎。知。婺。州。東。陽。縣。韓。墨。卿。宣。教。郎。知。慶。元。府。鄞。縣。周。之。瑞。而。庶。士。隆。及。婿。墨。卿。者。先。已。卒。孫。男。十。二。遵。迪。功。郎。鎮。江。府。司。戶。參。軍。章。卿。貢。進。士。道。準。迪。功。郎。饒。州。司。戶。參。軍。章。第。中。餘。未。名。而。遵。道。皆。早。卒。孫。女。九。婿。大。林。郎。常。州。軍。事。推。官。周。南。文。林。郎。武。昌。軍。節。度。推。官。求。淳。從。事。郎。婺。州。觀。察。推。官。王。某。將。仕。郎。陳。錫。餘。未。行。曾。孫。男。七。女。一。皆。未。亂。也。黃。氏。越。之。聞。家。而。公。越。之。君。子。也。少。為。士。家。未。克。未。墮。且。夕。急。公。求。所以。遠。其。親。者。百。力。督。課。以。身。先。之。未。久。有。田。二十。頃。以。為。

如是不已，則以財自浼矣。於是請子出師入友，交勸以學。而度中進士第。公喜曰：吾雖未耄老，然天其早吾休乎。遂嘗隱居沃洲之尾。孟瑋之山，以某夫人年高多疾，卧起須公，尚未決去也。及其夫人沒，終喪。松竹連道，庭花合園。公着山人衣，曳杖挾書行吟，賓送日月於林樾中。凡故時新賦，靡假進退，把孫長息，婚嫁有無，皆落莫恍惚若夢中事。惟聞名勝士，欣然邀至共食，淡麩美苦蕪，為語儒佛二氏所離合者，自言見性命真處，如水中之鹽味，非無非有，其說深矣。陳君舉來遊，經年常縱論夜分。君舉名善辯，不能窮詰而異之，曰：此非由師授而得也。至於天性曠達，不作疑吝，推己利人，不自封殖，無顏色之悅，而人譽其德，無市井之惠，而人懷其恩，蓋其中之信於人也。方度官浙西，公來不逾三月，為御史諫官，事有當言，言有難盡，微婉順導，莫必感發，前後援親以請，至八九，輒不聽。最後命使守泉，復回辭天子，知公實老矣，乃自憲謀進直寶文閣，許以養公。君臣父子之際，人又以為難為，蓋自登未至乙丑四十餘年。公子孫屢以文字起，度既既釋褐，公疾始侵，呼章語之曰：汝知吾樂乎？章對不知也。曰：夫除世俗羸事，易斷細微，精想難，吾用力於此久矣，然技業生不知其狀，今真斷矣，故樂也。臨絕視度而笑，度指其心曰：得非能於澗然乎？公應曰：然。遂殁。銘曰：

昔君之來，友茲山而誰儔。今君之去，遊茲山乎何求。其風跡，其月皎皎，彼蔚者載，不尚有詔。

黃景聲

宋何澹小山雜著黃公墓誌銘。紹熙元年冬，某自諫大

夫除御史中丞，法當辟屬，念不可市私恩，慮故事博采中外，平正有守之士，念曰：無易今奉常博士黃公道，乃以名聞，得旨除御史。臺檢法官，朝賀得人，而某實無雜素，公亦不自如也。既入臺，論議介而通，不隨聲應和，亦不務沽激，事歸於是，或不可，萬牛力挽莫奪，然後知公之果賢而不求時好者矣。公字景聲，始祖惟淡，自先刑國始徙昭武。五子各授一經，人名曰黃五經。後派別而居，和平者公系，出為曾祖文，約奉議郎。贈開府儀同三司，祖德裕，登元豐二年進士第，在中大夫，贈少保。考邦武，朝散郎，贈正議大夫，公幼穎悟，不借群兒戲，危坐書案終日，母定國夫人，野氏嘗撫而言汝必昌吾家，紹興間以廢入官，嘗魁銓闈，連預清薦，隆興改元，始奏名南宮，初主南初將樂簿，整邑之賦籍，不容欺隱，有訟在官，咸請付公平決，徙衡州司法，倉憲二司所聚獄繫，夥公一徇法理，不伺上官意，分教長沙，以作成自任，取人先行，諷勸以課試，為進次第，請調不行，其所獎與，果知名，歲早帥漕，講義政，屈公預議，全活甚衆，交薦改秩，得邑。

新建南陵俱以憂不行柱門讀書十年不調甘貧茹苦繼寧太平之當塗
邑以二百緡為迎新費公不納委隸徒行朱漕安國即以廉聞瀕湖圩
田二百餘里遭水衝決議者憚其後公性喜為民興利至則悉力經紀日
後春歸五十人兩月記事植楊八萬護其址復許氏占提植桑柘又請勿
起稅迄今蒙利月供郡額二百緡名軍水錢前後白科取棍棍陳公駭特
為守從公請蠲之既又志願未了石以為定例編戶有緩輸者摘二三書
而投之布囊封示縣門約期而啓至者免逮人毋敢後閱三歲竟無點追
者諸臺以古循吏為秩滿除幹辦諸司雷計司江陰守請濟橫河為民利
合孝宗意即支所費擇公往視攻地主其議者亦以賞啗公公唯唯而去
入境謹言不使即條列以聞或言且送上旨公曰上本欲利民而已不為
變辱除太常簿陞博士遂為臺屬輪對首論無逸享國之永辨君子小人
以教士風之鮮廉復陳蜀事借疾為諭曰如疾之兆於未形起處無異而
偏勝太過潛伏贖胃宜預為防上深肯許未幾朝廷遣張詔守興其後逆
賊歸果生變人以公為知言明年遷秘書丞從舉浙西常平五年除提點
刑獄畿部訟繁且多掣肘悉裁以法后族有摘佃官田者公曰餘將誰受
分為四區聽所請秀邱隸不容民贖業公立限責還袁右聞風披靡吳門

宋樂大典卷七千六百五十一

十三

有庫吏竊用經總制錢欲司誘令攤執因為姦利公一日詣獄視囚所供
溢元數萬餘即榜通衢資貸而有要約者償餘悉免百姓感泣公尤欲革
為舉之弊一求公論無敢挾勢以請所得多佳士及湖南漕部民率詣闕
借留時謂創見未上移守頓力請奉祠皇上初允丞相余公入謝首以公
薦得旨奏事除侍右郎中既對極言實論之偏曰昔之立黨有所因如
熙寧元祐之論新法紹興之論戰和遂成同異今之立黨本無所因而自
相封殖以為勝負顧察邪正以公用捨士論題之遷尚左兩選多弊事公
因轉對擇十條以獻如京秩及格一考方許離任特恩限年入官以選教
之年起理京官出身必作色恩例占射不容違指某闕之類皆施行未幾
除右司權臣竄用事公謂都司紀綱之地設有干請難屈法一日何曾
來謁聞亡謝之自知難久乃為外明年春除直學章聞知建寧府制詞謂
質直而有氣節即早被誦多割據公即發義廉勸上戶請而隨應人心
稍寬乃以休沐聞士卒更製旗幟修軍政以銷姦惡所至必崇學校考學
有虛場五百畝為權貴所奪即取以歸又從平江校官所請得廢寺沒官
等田三百餘石名義康歲取祀范文正公及教養其遺孫士有入上庫預
為登科貢不能弄親與嬰孩之遺棄者皆有助今文昌廟公為之記建學

永樂大典

卷七六五〇

尤弊公養而鼎新之。在遠歲餘百廢具舉。三年除江西提刑。公曰知止不殆。吾不能俯仰權門。其可久仕。復為祠。周丞相益公貽書謂公高行配古人。清風激頽俗。嘉泰改元。得請謝事。以居。熙春山下。自號熙春野老。取孟子四端之義。榜其室曰人齋。杖藜野服。惟意所適。登高索隱。忘其疲倦。歸休十年。康寧如一日。開禧二年秋。忽病。呂東萊世聞萬事。何時足數。聞曰。吾將歸矣。十一月十二日。感微疾。索筆書兩偈而逝。享年八十。先娶胡氏。再上官氏。贈宜人。二子。靜夫。舉進士第。奉義。郎知福州閩縣。崇夫。迪。功。郎。新南劍州司法。仲子。集。夫。命以官。從伯氏。提幹。邁。今。為。迪。功。郎。新。衡。州。司。法。季。弟。主。簿。造。野。夫。人。所。鍾。愛。早。世。公。篤。念。之。即。以。致。仕。思。奏。其。子。約。夫。孫。男。二。人。卓。孫。弦。孫。孫。女。四。人。公。入。仕。踰。五。十。年。處。已。待。人。未。衷。洞。達。無。一。毫。欺。偽。居。官。不。容。說。而。能。自。全。終。始。有。異。已。者。卒。莫。加。害。則。以。識。見。高。明。之。故。性。簡。淡。刻。苦。學。問。將。成。釋。老。陰。陽。方。技。諸。書。作。詩。格。律。甚。高。駢。儷。精。到。晚。歲。手。不。釋。卷。自。集。所。著。為。五。十。卷。居。鄉。不。以。輩。行。自。高。談。論。豐。豐。可。聽。自。奉。養。甚。薄。不。飲。酒。杯。羹。豆。肉。水。不。敵。不。易。尤。以。孝。友。著。聞。正。議。公。有。意。邨。宗。而。未。就。公。承。先。志。撥。田。置。莊。計。口。給。食。自。五。世。祖。以。下。均。及。由。先。宗。族。輯。睦。嘗。登。東。城。寧。國。寺。莊。山。樂。馬。捐。金。易。為。壽。藏。是。為。郡。武。縣。黃。

永樂大典卷七六五〇

十四

溪東保鶴沖之原。葬于戊辰十月之乙酉。後三年。靜夫乞銘于某。託契不待辭。銘曰。義耶利耶。惟擇之安。弗比于時。寧載其翰。以公抱負。蓋舉千里。顧義不可。未相先止。詆訕翁翁。榮不蓋。慙我老熙春。寵辱莫干。樂哉斯丘。手所。穆卜千古。高風。誰其繼。獨。

黃策

宋曹考約昌谷集黃承議墓誌銘。閱學黃尚書。既薨。僅一歲。而通判君亦即世。君於尚書。為長嗣。賢而以孝聞。造物者奪之。驟莫名其說。其適然耶。其哀毀過節。而益其疾耶。哀毀固有之矣。事亦有適然有相值者。然而家失令子。官路失賢士大夫。眇然人物之時。老成既已凋喪。薪然後倖者。又復滄洗。可為短氣也已。君諱策。字子長。曾大父諱彥輔。故從事。詳知吉州吉水縣。娶李氏。大父諱去華。策贈大中大夫。娶周氏。贈淑人。是生尚書公。尚書公諱時。若人朝。高禮部尚書。去國。為煥章閣學士。爵至豫章郡侯。贈宣奉大夫。出入藩從。家有傳國有史。通判君幼而岐嶷。少長業舉子。既壯。以父任。得官。自承務郎。轉至承議郎。自成都安撫司。書寫機宜文字。改簽書。知南東川節度判官。知吉州。奉和縣。通判。漳州。以憂去官。而屬續及之矣。太和多士之地。又多巨室。今稍不自愛。雖自愛而弱不能立。或少不更事。則吏民持其柄。不敢就。何君判決肯綮。既有以。

服其心正轉理財自酒課一事檢托弊盡沛然滂足無所入闕然後寬租賦弛市征舒民力而通商實惟意所欲以至葺治庠序選補儒秀職業所該靡一不舉長沙會府征調浩穰關決之事視他郡為重適時板蕩以才選獨任其勞旬月訖事公私若無聞知增募飛虎卒亦得專任其事取其勇力善聞不問所從來提舉酒務增釀城外白酒兩庫取以給軍皆獲其利此其發於事業如此至其稅額絕塵則又有不可及者方虜騎闖邊朝論慮調度不繼稍行籌餉法給官費以下州縣責以期程且本早間作必給僧牒以助濟貧亦急於售名項雜出不得已而及於民強者乘勢方會弱者無以自解胥吏旁緣為姦所至搏手名為禮請其實抑配強之以至酌雜之以械繫雖以無道行之終不得其要領君時在秦和獨能深思熟慮謀於津官託之士子度其事力可者更相勸誘文移無所施厲為無所與衛衛備僧所未皆集一時守令未有出是奇者予幸得備數帥守親聞其事即以君姓名上聞諸臺亦先後刻上屬方急賢謂且清切矣求使親持次乃得渾俸以其所處觀其所就說得壽而顯者聞計而歸即忽忽不自持以至大故平生恬於進取不以超躐動其心當調劄南取官時總餉者招以幕府辭避不受在長沙遇寶教例當進秩遲留弗請聞親病遂不

宋史大興卷七十一百五

十五

果上致其階不至郎宿非不遇也。生於乾道之癸巳卒嘉定之癸未享年五十有一娶熊氏同邑進士所之女。江西安撫司幹辦公事方之曾孫子男四人端卿良卿敏卿厚卿皆力學能文。端卿當受尚書公謝事恩命孫一男五女家世隆興府之外邑初居分寧與雙井同譜七世祖遷豐城沈江自高祖而下四世賜第者凡八人遂為豐城第一族望諸孤將以甲申閏八月丙申葬于新建縣南陽小象牙山之原而端卿書來乞銘予既受尚書公深知又與通判君接官僚高其名而騰其實矣義不可辭乃為之銘曰 其行也恂恂懷經綸也其政也肫肫銷頑莠也進而循循尊其身也處而泯泯存其真也。有標而挈恐羸其民無疾而呻歸不見其親其蘊莫仲當泰而也死從其先人求仁得仁

黃仲脩

宋黃勉齋集墓誌銘 余為令臨川愛其山川風俗之雄名儒鉅公彬彬輩出故家遺俗皆知尚氣節長清議信厚

而質直其天性然也黃若思永字仲脩其先金華人徙豐城後遷是邑余嘗過之人其門庭宇闕寂登其堂主人肅然問起居外不輕發一語氣貌凝重進止有常見其二子延客坐膝鈔撰素器用純質坐客常滿然無雜賓馬自是累累過之終三年猶一日也予與仲脩交最久仲脩足跡未嘗

造公庭間嘗老柳曠視時款債之責賤仲脩獨下其價以售賜鮮閭里後於仲脩之家者歲凶無流徙焉為於教子不為剽竊以微利達擇師取友不遠數百里必求有學行者致之為子擇婦不以財必以世之鉅儒與鄉之名騰嗚呼何其賢且厚耶訪其家世則左朝散大夫吏部郎中提點荆湖南路刑獄公事贈通奉大夫次山碩人章氏之曾孫通直郎知靜江府義寧縣事愷之孫人徐氏之孫貢士逢吉夫人管氏之子叔祖瓊管公擇仲脩於群從之子最賢者以為貢士後蓋邑人之右族其生產之厚裕如也士大夫席父兄之業擁高貨鮮有不習尚浮靡貪榮嗜利恃氣陵物以累其身辱其先者今仲脩家世如此適能自處泊然無一毫驕吝之意豈其天資之厚有以守其故家遺俗之舊耶仲脩年四十卒於嘉定元年十月朔日娶饒氏子二人慶居清臣女二人長適進士饒洽次以疾廢慶臣娶晦庵朱文公之孫監酒朱若望之女清臣娶寺簿王君克勤之女兩君家甚貧後仲脩數月亦皆卒王君且死其家遺婦未曰妾不幸有夫之喪女長無以嫁夫人其改擇焉饒夫人曰吾言已決矣擇婦擇其身非財也且寄語於朱氏謹毋以貧為嫌二子無異意焉嗚呼非獨仲脩然也如其妻子亦賢且厚也道行於家人固若是耶仲脩將以嘉定三年十二月十

永樂大典卷七千六百五十一

十六

八日壬申葬于縣之明賢鄉唐門之原二子以其師貯江傳訢之狀未請銘余既獲交於仲脩又於其長子有妻黨之親知仲脩之行事為最實故不辭而為之銘曰植根厚者其華必豐浮埃為基胡墮之崇猗歟仲脩古人之風器大聲宏不于其躬銘以俟之列于幽宮

黃凱

宋黃勉齋集墓誌銘黃氏居福州城東三百年釐而為三派而為六後有他徙者自同慶而下子孫存者無慮四十人扶策

為儒者累累不絕紹興開察院公始以萬行直道清名高節著聞當世子宣教君早通直君東亦皆孝友廉潔挺挺有父風又六七十後路之黃諱叔必者生先覺先覺生俊卿俊卿生公諱凱字奔舉獨能以勤儉大其家苦學守禮法教其子南金宗尹宗傳皆雅飭為良子弟南金以弱冠預鄉貢宗尹亦繼入太學一門之盛庶幾哉察院公之遺事矣嘉定庚辰十月丁丑公微疾終于正寢初娶何氏後兩娶陳氏子三人女一人婚嫁皆未畢而公之年僅五十有二乃不及享其盛大之福識與不識無不為公流涕也命之脩短懸于天矣勤儉苦學守禮法者人也一族之間三百年之久其盛不過再世皆以勤儉苦學守禮法得之則公之行信可書公之子弟與凡吾之族人皆知以公為法則吾宗之大未有艾也其年十二月

壬午葬公于桑溪艮山之原其族孫餘為之誌其墓而系之以銘 家之興替不于其家于其身天之執施不于其天于其人謂予不信視此堅珉

黃澤民

宋陳耆卿黃憲集黃君墓誌銘 項麗水有賢令曰黃君沐之未滿歲死死滿歲其子傳奉監州詹公又民之命自

長溪未達銘君賢宜銘也能使上官思其賢經紀之振耀之愈宜銘也君字澤民唐昭宗時有校書郎名璞者著書號露居子生說自說至允章三世咸有祿位五世至大中封迪功郎大中子十萬封承奉郎十萬子楫中第不覓舉以通直郎老于家君其仲子也君讀書務道大意耻為章句師既冠薦第三明年奏名調義烏尉邑多土豪與鼠輩相出沒見君高少年薄易之君與其屬約曰必勸是吾始貫汝賊有鐵彈子者有險格敵君躬搗其穴縛以歸自是義烏不苦盜州歲歛徵君覈視君語其輔行者曰吾敢許太守邪然不許太守則許民矣民不可許也幕府託其釣名君事之卒減賦十六七常平使者又徵君賑濟已而出不意行部見在在積粟不類歛深駭異之故事尉巡行必使里正饋食每觴客胥卒供凡費旋以追逮文移暗酬其直君謂此假手受賂寧餓死不敢太守聞為增俸去之日不持一錢關陞令上抗縣嚴吏而寬民緩財而不留獄雖休澣若暮夜亦許

宋樂大英卷七十六百五十一

十七

投牒即理未可責育莫奪也大家鄭其姓者持邑事短長連蓋數令君跡之郡論如律縣至衛鹽運丁稍失期則上供負殿君通融有術謀倍登改秩知麗水大較如上枕胥吏弄財賦不問輸未輸混為一籍賄至籍立改以上戶產移下戶下戶究不堪命君蒐獵見底重重實吏于法賦始平方將脉縷源流爬梳隱廢立程式以惠未者意懇懇特甚予嘗行其野民誦君一古洎謁入見君竟日据案問有暇乎曰無能強飯乎曰不能也嗚呼予因疑君甚矣視其貌則魁而腹意不數月死矣家人問所欲言曰善教吾子乃瞑年四十四娶徽州判官楊及申女子長傳次觀予每慨才與志人所難也而無之者尤難無之而發強者倍難也如君無之而發且奮矣夫激石裂雲飛川達可以至而不至命邪發之強者固不若晚而成邪然則彼有無才與志而洪汨以壽假墓以青名謂之成而實則非也君兄弟名清之少相磨以學學本諸老生孜孜勸君久且大君仕竟夫兄未官扶道直哭夫聲無幾何通直亦死家事惟清之凡予所撤拾以銘君者清之筆也詹公附傳首曰汝無父有伯父爾其事伯父如父嗚呼世有上官之賢憫其察之死而眷眷其家若此哉君死以嘉定十二年三月某日葬以其次年某月某日墓在某鄉銘曰 鸞停鶴矯森列翰珪視層雲莽無邊

永樂大典

卷七六五〇

風吹汝擊弗驚，豈獨汝法人共憐。自古有死誰百年壽，
跖不憐天回賢。嗟哉澤民財，光氣不洗珠藏淵。

黃觀復

宋葉水心集墓誌銘 承事郎提領所幹辦公事黃章字
觀復，余友。禮部尚書名度仲子，檢身一以正，不中於規，
矩墨不行也。與人一以恕，不著於親和愛，敬不止也。講學必於師友，不
以達於道德性命不求也。慮事必於法義，雖足以通於變故，舍特不用
也。父母信之，兄弟順之，鄉黨朋友皆悅而訓之，樂其寬而畏其嚴。慕其廣
而遵其儉，久而鄉大夫國人又皆允之，將進矣。嘉定十三年正月初八日
卒，官下年五十四。年十二月壬申葬小江尚書墓側。百餘步，夫人謝
氏先卒。再曰：趙氏子元護承務，即元真過，任郎二女子未行，弟來請銘。
按昔無銘人三世者，疑未聽準曰：不然。銘吾父祖以及吾兄一於善而已，
非三也。請是銘者，悲吾兄以及吾父祖一於善而已，非三也。嗚呼！余果不
祥耶？黃氏果不幸耶？銘曰：人乎觀復，永百秋斗揭嶽竹江
河派天乎觀復，豈其仇聲滅影絕，何所游。但哉銘乎，炯厥幽。

黃子通

宋曹彦約昌谷集墓誌銘 黃子通，處遠，調三十年無違
意，晚得八鍊，莫口不道，求薦事使者與好事者皆切歎。朕

永樂大典卷七六五〇

十八

又極力推導之，頗有端緒。未聞其疾苦也。實慶元之明年，歲在丙戌，時
予楚節，享家廟，奉親，無廢事，明日得疾，即以屬纊。嘗享年纒六十有一，
聞其名見其面目者，顧無識則已耳。稍有識，則莫不短氣大息，甚至扶淚
不已。蓋其為人，天稟渾厚，父母曰：吾賢子。妻曰：賢夫。弟妹曰：賢兄。達於宗
族親戚朋友鄉黨，服貧之助，婚嫁力所可及，靡不殫盡。則又皆賢其行，雖
本郡太守薦士於朝，則亦首稱其素，以為不可及也。平居閒使坐之室，列
前輩遺訓於左右，聞善言善行，必手自抄記，反覆展玩，躬而行之。惟恐不
合。居官善待士，不擾其民，職獄務平允，議政主寬厚，請乞職不食其俸，謹
出納不取其贏，外不事表標，而人推其才，進不由科舉，而人稱其學。其言也
似訥，其行也似緩，而其主盟正論，檢扼吏姦，有萬牛不可挽者。初以寧宗
登極，恩授將仕郎，入銓，等為安慶府太湖尉，兩調處池二州，皆為法。據池
守，雅服其才。及改權王人，亟以賓客舉，辟倚城，查為重行公道於布原間。
異時恃苞苴，假氣勢者，無所措其手。所更歷纒若此，而其所抱負者，不可
量也。昔西坡先生從晦庵朱文公游，立朝耿耿，不負所學，持使者節，以錫
租救荒，得罪時論，居間累年不自辯，其是。否賢士大夫見之，而心醉。子通
克肖其德，人之敬之者，猶其敬西坡也。與弟處昌，軍錄事參軍，枯薄官奉

親更主家務。叔出季處人無問言。至是括來奔喪。奉以歸葬。將以是年十一月庚申訖大事。于星子縣清泉鄉大嶺方家嶺之原。以友人胡沐狀未謁。銘不可辭也。按南康軍都昌縣黃氏。派出於江州湖口縣之沙港。地迫都昌。故都昌多大族。西坡諱滿。故任朝散大夫廣西路轉運判官。娶高氏。武顯大夫汝箕女。年逾八。奉令封宜人。西坡之考諱唐。故任左文林郎。温州平陽縣丞。贈太中大夫。娶伍氏。贈碩人。平陽府君之考諱澤。隱德不仕。娶魏氏。伍氏。自平陽而下。徙居大寧。其上則族處松蘿。皆都昌也。西坡晚居城下。今三十年。子通諱抗。乃宋文公所命。兩娶陳氏。皆池州通判。抗之女。亦皆前卒。一男子克。將仕郎。女適光州陳史。君倚之子。堪。請銘之曰。擁腫漫山。世豈無材木。心不正。將焉用哉。折揚載路。世豈無聲一八。但耳。秋凋眩名。誰歟。及物焚券。棄責外。雖強名。中有德色。議論磊落。神沒鬼出。算計見効。百不及一。賢哉。子通。粹然德容。聲氣形厚。大呂黃鐘。孰不養親。子通。養志。孰不持身。子通。守表。秉洞。達內。方外。寬以此治家。以此居官。官則不顯。我亦無求。死生夜旦。何短何脩。持此歸報。西坡先生。無世間累。有身後名。

永樂大典卷七千六百五十一

十九

黃簡

宋劉後村集墓誌銘 朝請大夫黃公諱簡字德廉將葬。故汝明奉家傳來乞銘。余覽然曰。公吾故人也。銘其可辭。黃氏自固

始遷閩。至八世祖。校理公興。自泉遷莆。曾祖璋。祖大炳。贈朝散大夫。父艾。刑部侍郎。贈少師。高紹熙名臣。公年十六。以曾子試春官。不利。父任為承務郎。歷鎮江府江口鎮。稅休寧丞。知會稽。豐城。縣。通判。蘇州。知賓柳。二州。端平乙未。閏七月丙寅。病卒于寢。年五十九。明年九月壬申。與宜人方氏。易氏合葬于城南小塘山方中散大夫勛之女。易禮部尚書。後之女。一子。浚。明將仕郎。一女。適衡州文學陳。公。疑。重。靜。照。語。笑。容。止。皆。中。準。程。出。於。自然。律。身。居。官。尤。嚴。格。初。少。師。公。在。諫。垣。論。擊。幸。卿。棄。疾。幸。銜。切。骨。及。尹。鎮。江。公。已。先。去。猶。繼。鍊。吏。卒。終。不。得。毫。毛。罪。休。寧。有。十。四。年。不。決。之。訟。公。一。聞。得。情。會。稽。繩。責。游。雪。獄。寬。豐。城。築。廢。堤。修。學。政。徭。改。賓。州。公。調。上。臺。長。丁。夾。擊。雞。猶。無。道。絕。口。不。自。言。勞。州。始。貧。以。去。帶。度。皆。實。柳。之。兵。吏。始。按。月。支。俸。南。官。有。不。幸。者。必。經。記。其。家。然。公。所。至。剛。峭。自。立。巖。巖。有。風。稜。不。肯。隨。世。僥。仰。其在。閩。越。皆。以。避。仇。去。在。嚴。以。忤。巨。室。去。在。柳。以。諫。官。誅。賄。不。得。去。同。時。汚。吏。檢。夫。多。據。要。劇。起。顯。美。公。方。閉。關。蕭。然。食。仙。都。菜。蔬。之。祿。以。老。歲月。及。天子。親。政。向。為。權。姦。權。抑。廢。退。之。人。稍。見。收。用。而。公。

忽忽死矣。公事母齊國方夫人盡敬。捐諸弟極愛。嚴晚厲行凋零。始衰多病。俄而季弟者為通守。旋復天。公哭之慟。奏官其子欽明。易菁。猶曰吾死無可恨。如諸院孤幼何。聞者悲傷其意。為銘曰。寶紹之相。效利估。權以贖少多。為人否賢。富繁諸實。貧濟諸淵。嗟嗟黃公。白首瘴烟。端平反是。廉約者甄。公不少需。遽死而僊。前厄乎人。後制乎天。嗟嗟黃公。逆于斯際。

黃丙炎

宋劉須溪集墓誌銘。歲庚辰予初與純父遇。風雪東湖之上。驚相弔曰。實慶泉見君。大問古人。耶。今人耶。或者亦

以君為古矣。君在此耶。語雜悲喜。至甚。夜不絕。未明復撼。予語拊解。浩然曰。吾平生慕湯東澗。近年慕君。亦欲從君。後耳君。豈從古心。公致誤。耶。哉。君慷慨。寄不淺。因擁余而起。以所聞於江先生者。為君言之。如東澗。何可及也。未第時。與其兄容。徐景。說標。致己不相合。既第。待信州。戶闕。一日有趙尚書。出來贊會。府視事。首見薄姓名。歎曰。余識之。真西山時。湯某。乃猶為此官哉。即拜疏薦之。代主象山。從是隱然。出徐徑。吸上自端。平至景定三年。出入諸老。皆成。復歷。即小人。板引及雷國。所忌惡。皆不足為全名之累。不待辨某事。許某人。而大節自不可及。此如陳太丘。黃叔度。公論常

身為之地。故樹立。矯矯。不肯為人。稱門生也。亦各其時命也。言未既。君法沾余食。獨舉往。年麻姑山。夢一籍題忠孝二字。而某在焉。孝不敢言也。忠特若此。予亦喟然于少年州縣不自試。一二。因舉于房。天授沛公。它多疑。非獨疑。悟如子房意。此所謂漢事將成也。滿出師表。至引喻失義。以垂忠諫。想見庸人自用。故傷心。元德之不見。身世何長。令人喜言四方上下。孰知言不見奇。奇而不用。不用而驗。驗而悔。悔而恨。恨且見禍。其進退。偏不復。非前古君臣之比。君曰。世事勿復言。即文字何等。不足存。而魏鄭公。以此揚大年。以此憾至死。因泛論。鄴侯山人高致。魏延與淮陰。勝。累相。似李伯起。張魏公。成敗天意。語不必有出。出不必有謂。未嘗及心事。彼此直厭。歎往復。不知出於君之口。與余口也。於是相知深矣。復欲與君談。不可得矣。前年猶寄余詩。去年有持書來視。誠題。若不可識。則君死矣。余以歲初。謝容。嗚咽。而人問。耿蘭。以故。至舉。扶中。相屬。語。腸。痛。欲。絕。海。內。人。物。風。流。略。盡。託。君。筆。墨。相。蔭。映。後。死。猶。有。講。學。之。望。願。不。樂。人。間。世。如。此。念。前。冬。有。沅。湘。老。人。以。君。文。來。余。記。曰。黃。先。生。雖。不。能。飲。尚。健。生。余。謂。純。父。長。七。尺。年。五。十。生。世。大。有。事。在。迄。如。此。而。止。造物。復。何。以。我。輩。為。哉。讀。門。人。狀。君。行。豈。不。整。容。歟。至。然。不。如。君。前。夕。劇。談。盡。予。著。君。語。語。而。俯。仰。浩。

蕩人物著微心跡。雖功名蹉跌，後有君子可以想見而歎。若狀所難言，又有人不及知者。江間貴人與邊守將不相接，若代書密付，語見亦心指。按得宜又多軍情所繫，不得違者，疑是感泣思效。倉猝用意，勝謝東山，自異顧內幕所左右能此而已。其苦言節費，見於膏肓，得准卒三千，備遊擊。為淮捷營改鐵鶴，小艇為勝，大艦取勝，謀諸郡，閉絕流民，如它盜請城。外寨堡居老弱，而各選其壯者從軍，使高關帥釋雷路之志，馳從約之書。共圖國憂，胃懷磊磊，出於人所不望，而人亦知惟君所為。嗟乎！使君得來一障，亦當遠勝一關。雖九江事去，相府適虛，請司蒙茸，君猶力勉以私財。招軍撫溪峒，高用至獨松，夫守廣輝，暮下連捷行者，議饒信道梗，益徑崇安，純出三衛兵，夜發，君與家人不相顧，至石門，遇長幼相泣。君曰：國事至此，暇顧爾輩耶？自是言之有傷心者矣。國家養兵三百年，散群臣子庶民三宮仁德，一朝有難，人懷顧望，徒擁烏合，益府庫，君以書生志氣感動，言必稱君父，然至行而行，閉入閩，而閩潰，肝城閉，有投擊城下，至斃者，諸將欲屠之，君正色不可，曰：我輩以路梗假道，致疑耳。若屠一城，三宮聞必震駭。諸將已瞋目謀不利，君不為動，既又具軍行宿次，奏有笑者，曰：君猶謂有通進所耶？君慨然泣下，曰：誠不忍以為無也。聞者始掩涕歎息，及入閩。

有狼將以水報之。咄咄謀劫主帥，以出語已逼君，又不動。一日坐水閣，有飛矢掠項，過著柱，跡所由來，忌君者出此。明日君行，軍亦潰，生亂世無及於救。又不自為政，故所就止爾。然積誠所至，在建而勸，分建昌而祈，兩皆以客館係人望，得天意，亦何嘗有一日得行其志，而惜之者如已試。世自有盡，君名方興，有西園八十之老，傳太史自得以君來，為賦詩喜曰：碑無龐老名，又曰：能威兵處在真誠，其志慮風米何如也。自成淳第授靜江府臨桂簿，嘗辟泗州淮平尉，不就。後五年，辟建康府鳳臺酒庫，自是始與幕議。又五年，辟臨安府德清酒庫，德祐初，差幹辦江西制司，復帶行禮兵架閣，未幾復帶行國子正。明年，除宗正簿，督機，特改宣教郎，初望交代。連年不顧上，仍待闕，淮平界北，得進授，曰：不敢欺，及登臺，有銜命鈞致者，自免復歸。諸司舉劾，常片紙書所聞，廉介有政聲者，請以已所應得者舉之。受舉者不知也，或知而謝，輒避去。此事亦近年所罕見。余出仕十五年，未嘗受人一削。君自謂出處與余同，謂此自其父得聞象山之學於其諸大父，益貫徹朱陸，授學者，勉窮至，所至老成欽動，諸所識，予不能盡知。而尤於丹徒陸君實秀，夫耿耿焉，君實大節可哀。君實文不多見，見君文，誠君實宜君實之所納，贊也。君文不貽，襲諸作不為，時文議論講義，註疏。

永樂大典

卷七六五一

而辭事義理俱至。清整涵暢。足自為家。詩益有思。正是場目前意。樸厚雅馴。視他人能此復少。彼至於家庭。講授人物大意。倫紀親切。康康見之。千峰陳公宗禮嘗對人云。吾欲得一客如黃純宗。清告不可得其文之有本。又如此。士常志不第。一第足自致。詎能以去就易民命。爭國事。彼權倖險毒貪懦。狼僭。辭能剛。意能誠也。世狹道遠。而環顧如陪臣。坐騎如車中。及其窮蹙。無能有甚於曾男子之不得去。而兩霽雲之不能食也。嗚呼。微斯人斯世之不幸斯言也。亦孰知其可悲。君臨川黃氏居崇仁東里。諱丙寅。初字文炳。晚更字漢翁。子諱之曰純。父其鄉稱之曰思梅先生。生丙申年。丙戌。曾祖儼。祖邦基。父應辰。梅總公也。思梅。思公也。妣陳夫人。娶陳氏。子男六。慶孫。興孫。鳳孫。翼孫。暉孫。慈老。翼孫。繼妣。棠陳。慈老以治命。後鳳孫。慶孫。筆墨可愛。皆如思梅復生。婿趙次。慈孫男五女二。葬崇仁鄉西隱里。雷公山。實丁亥三月丙午。君享重不妄語。殊闊無餘懷。及所委曲。傾盡若自營收。致後進有豪氣。乙丑。自京歸。安仁道中。有盜執人。逸累居者。既誣服。君以過客。得盜名。告使者。使者得實。謝曰。君乍脫場屋。洗冤如此。可量哉。其後避難。得使舟出溪峒。各護送。皆所嘗盡力。有恩意者。亦若有助焉。銘曰。嗚呼。國之初也。材不必其如君。世之甚也。憂不必其如君。莫不

永樂大典卷七千六百五十一

二十二

幸於以身從人。又不幸而以文致身。故雖有孔明公瑾。而用之如陳琳阮瑀。又如溫名二子。而不得為許遠。與張巡。豈非命云。

永樂大典卷之七千六百五十